

四庫全書

史部

欽定四庫全書

史部
貴州通志卷一

詳校官監察御史_臣徐如澍

刑部郎中_臣許兆椿覆勘

總校官編修_臣倉聖脉

校對官中書_臣牛稔文

謄錄監生_臣劉澐

恭

進貴州通志表

總督官巡撫貴州兼督理湖川東等處地方提督軍務兵部侍郎兼都察院右副都御史張廣泗謹
題為纂修貴州通志告成恭呈

御覽事臣等誠惶誠恐稽首頓首上言伏以

堯天廣運弗遺膏澤於要荒

舜日重華普被照臨於邊徼

統車書而隆制作萬國同揆

采志乘以備裁成八紘在握風聲所樹無非康濟之
仁典冊攸存不外化成之義竊惟宅中馭大聿陳
王會之圖視遠惟明用辨職方之掌人文克顯政
教斯通粵考黔中昔居化外星分參井虛垂列宿
之光地接荆梁難畫方輿之界七旬格於大禹苗
地未詳三年克於高宗鬼方終棄自莊躋將兵而
道通沅水唐蒙奉使而郤置犍為旋封夜郎之王
復設牂牁之守馬忠為郡始於丞相之渡瀘東謝

來朝盛於貞觀之開洞八校尉之擊九部落之歸
僅可羈縻紅獐狍之名紫薑苗之種率多翻覆二
路十二部至宋而有貴州之稱八番十八衛至明
而有專藩之設顧經營粗立雖經始於前朝而氣
象維新實備隆於

昭代椎髻卉衣之屬咸效國風烏羅銀甸之鄉盡開
王路朱旗畫戟啟都府於鰲磯龍洞之間雲宇山
楹觀蔀屋於天馬貴人之上然而山不列於益記

水不注於桑經間吟太白之詩空懷遷客細讀孟
堅之論未悉土風白水留題不涉封圻之要典碧
雲紀勝徒饒月露之叢談若非修葺羣言曷以宣

揚

聖教乃因甫輯而遽值稊氛或已增修而尚叅疑似
年既久考證尤難編帙殊繁搜羅不易欽惟

世宗憲皇帝

道光四表

德潤羣生

仁義兼施萬物熙而六幽盡闢
恩威並濟三才正而九土咸開
精神旁達乎邊隅無微不照

雨露均濡於雜俗有惠皆行黔州之被澤尤深蠻峒之
流風非昔

綸音特沛通志全修伏遇我

皇上

建極承乾

膺符出震

文謨武烈悉推時憲之聰明

玉振金聲並著大成之條理

通神機於淵默視萬里如在目前

制權變於張弛運天下不殊掌上

移風易俗既取效於頑苗克靖之餘

履信踐忠復加勉於險地悉平之後城郭修而清時

有備倉廩實而歉歲無虞逋負頻蠲戰士勵捐軀
之志租庸屢免耕農興鼓腹之歌申法令而戒嚴
刑人懷三尺飭廉隅而加厚祿官凜四知藥榜添
花既廣秋闈之額鬻宮煥彩復

頒內府之書膠庠盡植榘桷文風丕振溪洞皆栽棧櫟
陋習潛消山土爭開已食餘糧之利桑田試種佇
生挾纊之春凡茲

聖主之鴻圖盡屬

熙朝之典則臣等欽承載筆實愧無文損故益新祇
恐修辭之不立發凡起例惟期義類之相從事必
證諸古今務闕疑而存信言有關於治忽寧就簡
而刪繁規模溯因創之源流制度考廢興之顛末
雖管窺蠡測未足形

聖治之光華而漱潤含芳竊欲效輿人之採訪伏願

文摘周鼎

道契義繩

聖聖同符執一中以立極人人遵路合四海而從風藉
記誌以廣薰陶奚啻三苗丕叙盡經綸而宏化育
永看萬彙咸亨臣等無任瞻

天仰

聖激切屏營之至謹奉

表隨

進以

聞

貴州通志凡例

一貴州舊志為綱三十二以類附見者十二如關梁附見於山川郵傳附見於城池義類殊未妥協今列天文地理等八綱用統衆目以類相從似覺有條不紊

一舊志輿圖之說止載全省總圖各府俱缺今黔省幅幘割楚蜀粵西府州縣衛以附益之漸為恢擴因推廣舊志之意每圖各係以說

一建置舊志載在大事考所序太畧粵稽上古黔雖不

通中國自唐宋以來所置羈縻州縣頗有沿革可考
今悉據歷代地理志補入

一疆域舊志止有東西南北四至而無四隅考建置郡
邑犬牙相入者甚多詳列四隅所以正經界也今悉
為補入

一山川舊志方向先後無一定次第今倣一統志體例
先城內次城外先東次東南次南次西南次西次西
北次北次東北俱先近而後遠其山水之名亦分先

後以類相從凡山先山次峯嶺岡坡次巖崖石壁次
塏坪阪原次園箐谷洞逕其名不經見者俱次於後
若一山中又有坡嶺巖洞者即連而及之不另為類
凡水先江次河海次川湖灘溪次澗潭水泉次洲渚
峽洪次灣泊池塘次堰陂壩閘渠溝井其名不經見
者倣山例

一古蹟如廢城古戍之類必須注明在城何方去城遠
近庶有蹟可考今從各府州縣志冊及明一統志續

文獻通考諸書參考互訂得其方向者十之五六備列於前其無可考者彙載於末以俟博識者

一苗蠻種類雖夥其形狀服食究亦相去不遠舊志每種各繪一圖似轉覺支離不如刪去蓋其性情風俗備於紀載不必按圖而考索也

一風俗原與教化移易黔自元以前本屬苗徼自明以後始漸被文明然前此椎結侏儻之俗固不可沒也因考漢唐宋以來西南夷南詔各傳中有屬在黔地

者書之於前庶有原委

一學校舊志附載樂儀夫黔之有志以志黔事也若

聖朝禮樂乃天下所同固可不載其各府州縣義學俱註

明建於何地以補舊志之畧

一田賦舊額新墾歷年各異今照乾隆四年徵收賦役
開載其省府總數及州縣細數一一詳書至苗疆屯
田類附於後以備查考

一黔省財賦無多經費嘗仰給外省查舊志惟兵餉一

項載在兵防驛站工食載在郵傳然官役俸工師生
餼廩鞭春祭祀之屬既皆著於令甲不宜缺而不書
今設經費一門以免遺漏

一周禮地官之屬遺人掌邦之委積以待施惠即今常
平倉之遺法我

國家令天下直省府州縣皆設立義倉以備荒歉誠重
積貯以厚民生之至意今點省各府州縣皆有積貯
而舊志獨不載殊為缺然特為補入

一物產舊志於貴陽首府列通產於前專產於後而間見雜出未免眉目不清今以通產盡列於前方列專產於後其通產專產次序首穀次蔬次貨次果次藥次草次花木次羽毛鱗介各府俱照此彙編以免參差

一職官舊志文自知縣以上武自副將以上方錄今因之

一名官與鄉賢俱祀於學宮載在祀典近奉

特旨慎重查核去留皆有冊籍今將前朝中已載舊志者照舊載入其舊志所遺而郭青螺點記及各省通志所載鄉賢而官於黔與名宦而黔籍者悉為補入至於

國朝名宦惟以冊為據冊所不收及冊所汰去者雖載舊志亦不敢收入

一黔省自明世設立衛所多以土人為流官

如指揮千戶之類

其有政績者或入名宦或入鄉賢須有一定之例舊

志未加分晰如同一千戶也貴筑朱暹陳銑則入人物龍里井孚則入名宦同一威清指揮也張貴張晟則入人物楊遵則入名宦不特此也一毛勝也既入名宦又入人物張信亦然一井孚吳德也既入名宦又入忠烈錯雜重複如此類者難以悉數竊意名宦當以官為主人物當以地為主以土人為土官

如宣慰宣

撫長官司土同知通判之類

有功於其土者則列之人物以土人

為流官有功於其土及隣郡縣者則列之名宦其已

見者即不復重書似為清晰

一點省自明世始設流官故載在名宦者惟明最多舊志雖以年代為次然文武錯列崇卑無序今倣職官例文武分編以官職憲綱為序其中仍各照年代編次

一點省未立郡縣以前皆土司也既設郡縣後屢勤征討者亦土司也舊志止載現在承襲者一人未免太畧今照承襲之冊詳書其世系即已革除者亦取其

始末書之以備查考而水西安氏播州楊氏其為害尤鉅詳其本末附於後

一大事考一門諸志所無昉於郭青螺黔記其中所載即兵防田賦職官中諸事若詳載則嫌於重複簡截又苦於漏遺今將所載事蹟分入各門中惟土司苗蠻為黔患之最鉅自殷宗伐鬼方三年乃克嗣後尋於干戈以行征討無代無之今設師旅考一門附於武備志之內其中或剪除於未萌或招徠懷服不煩

槌伐者悉記之蓋上兵伐謀與不戰而屈人之兵皆師旅中善之善者也

一舊志無鄉賢名目蓋即以人物為鄉賢也不知孝義
勇烈隱逸之士孰非人物乎即外來流寓方外仙釋
之屬皆人物之選也今立人物為綱以統鄉賢孝義
諸目

一舊志設勇烈一門凡流官及土人死事者俱載其內
禮曰聖人之制祭祀也以死勤事則祀之能死其官

即不愧名宦之目不必別以烈名且烈者必勇而忠實烈之本也今易勇烈曰忠烈凡土人之有爵位而能死事者悉載焉其士庶人之致命遂志者則列之孝義國於天地必有與立忠臣義士所以為天地扶植綱常者故居宦蹟文學之前一冊中汰去之鄉賢亦有歷官頗著聲稱因無功德於鄉里而去之者然宦轍所至政績可紀馳聲藝苑採藻天庭雖無德於鄉未始不足增鄉邑之色若竟擯置不錄是反不如

小道之方技異端之仙釋得以有傳也今設官蹟文學二門為人物之目庶於

國典鄉評兩不相悖

一列女凡舊志所載者仍之新收者以

題旌年分先後為次其未經

題旌而年分合例苦節可風據府州縣志冊及申詳藩

司巡撫衙門現在陸續具

題者悉為編載庶潛德幽光不致終於泯沒

一流寓須其人名重當時事蹟可傳於後者方為收錄
庶幾地以人傳舊志中有止載某人以某官謫來並不書其事蹟者默雖僻遠亦奚藉此無足重輕之遷客以溷紀載乎今遍加查考有事蹟可傳者書之其無可傳者削去其謫官而能舉其官之職者收入名宦若王守仁之倡明理學雖係謫官仍載流寓蓋其功業固不關龍場驛丞也

欽定四庫全書

凡例

貴州通志修輯官員

總裁

少保兵部尚書總督雲貴廣西三省今陞大學士伯臣鄂爾泰

兵部尚書總督雲貴廣西三省兼都察院右副都御史今陞川陝總督臣尹繼善

巡撫貴州兼都察院右副都御史今甘肅寧夏慶蘭巡撫臣元展成

署貴州總督巡撫雲南兼都察院右副都御史臣張允隨

總督貴州兼管巡撫事務兵部右侍郎兼都察院右副都御史臣張廣泗

監修

提督貴州全省學政陞江蘇布政使司布政使臣晏斯盛
提督貴州全省學政雲南道監察御史臣鄒一桂
督修

貴州等處承宣布政使司布政使今陞總漕臣常安
貴州等處承宣布政使司布政使陞湖南巡撫臣馮光裕
署貴州等處承宣布政使司布政使臣陳惠榮
貴州等處提刑按察使司按察使今陞廣西巡撫臣方顯
署貴州等處提刑按察使司按察使臣宋厚

督理貴州清軍糧驛傳道事務按察司副使臣錢元昌

分巡貴西道按察使司副使臣介錫周

分巡貴東道按察使司副使臣王玠

署分巡兵備道按察使司副使臣徐永祐

采輯

貴陽府知府臣甘士琇

思州府知府臣史步高

思南府知府臣孔傳堂

鎮遠府知府臣趙之壇

石阡府知府臣杜理

銅仁府知府臣姚謙

黎平府知府臣孫紹武

安順府知府臣崔傑

南籠府知府臣楊滙

都勻府知府臣曾朝聘

平越府知府臣孟周衍

大定府知府臣牛天申

遵義府知府臣陳玉璧

纂修

翰林院庶吉士原署姚州知州臣靖道謨

原任仁懷縣知縣臣杜詮

分修

原任遵義縣知縣臣梁學新

原任錦屏縣知縣臣廖貞

畢節

縣

知

縣臣謝國史

施秉

縣

知

縣臣董良材

原任

甕安

縣

知

縣臣張荃

原署

水

城

通

判臣王雲

原任

畢節

縣

知

縣臣葛荃

原任

餘慶

縣

知

縣臣蘇大忠

原任

錦屏

縣

知

縣臣呂賡雅

原任

龍泉

縣

知

縣臣樊仲琇

原任南寧縣知縣臣王櫟

歲貢生候選訓導臣李專

監刻

貴筑縣知縣臣彭居仁

校對

拔貢生候選教諭臣姜文澤

金匱要略

編輯官員

欽定四庫全書

史部十一

貴州通志目錄

地理類三

都會郡縣之屬

天文

卷一

星野

氣候

祥異

地理

卷二

輿圖

卷三

建置

卷四

疆域
形勝

卷五

山川

卷六

關梁
郵傳

卷七

風俗 苗蠻 古蹟 邱墓

營建

卷八

城池 公署

卷九

學校 貢院 書院 義學

卷十

壇廟 寺觀

食貨

卷十一

戶口

卷十二

田賦

卷十三

田賦

卷十四

課程

卷十五

經費
蠲恤
積貯
物產

秩官

卷十六

官制

卷十七

職官

卷十八

職官

卷十九

名宦

總部

卷二十

名宦

部分部

卷二十一

土司

武備

卷二十二

兵制

卷二十三

師旅考

卷二十四

師旅考

卷二十五

苗疆師旅始末

人物

卷二十六

選舉

卷二十七

選舉

卷二十八

鄉賢

卷二十九

忠烈 孝義

卷三十

官蹟 文學 隱逸

卷三十一

列女

卷三十二

流寓 仙釋 方技

藝文

卷三十三

勅 詔 諭

卷三十四

奏 䟽

卷三十五

奏 䟽

卷三十六

奏疏

卷三十七

狀
頌
贊
箴
銘
書
論
解
考

辯

卷三十八

傳

卷三十九

序紀事

卷四十

記

卷四十一

碑記

卷四十二

碑記

卷四十三

文議教說

卷四十四

賦詩

卷四十五

詩

卷四十六

雜記

臣等謹案貴州通志四十六卷

國朝大學士鄂爾泰等撰益其為雲貴總督時

奉

詔所輯與雲南通志同時纂次司其事者姚州知州

靖道謨繼之者則仁懷知縣杜恮也其視各

省志成書為最後至乾隆六年刊刻始竣總

督管巡撫事張廣泗等奉表上之貴州僻在

西南苗蠻雜處明代始建都指揮司後改布

政司分立郡縣與各行省並稱而自唐宋以

前不過羈縻弗絕尚未能盡闢狃獠故從來
紀載視他省最為荒略明趙瓚創修貴州新
志蓋亦以昔所未有故以新志為名其後若
謝東山郭子章及

本朝衛既齊等遞事增修終以文獻難徵不免
缺漏惟田雯之黔書筆力頗稱奇偉而意在
修飾文采於事實亦未臚具此書綜諸家著
述彙成一編在黔省輿圖差稱詳備矣乾隆

四十五年五月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

貴州通志卷一

天文志

星野

氣候

祥異

易曰在天成象在地成形象懸而星辰之精著
形奠而山澤之氣通天地合德則精氣騰降交
感理固然也黔越在荒服保章氏所未載前人
以地近荆梁分翼軫參井之餘考核最為精當

我

朝

列聖相承效天法地順陰陽以布化七政協而休徵集亦
既慶雲瑞穀疊奏頻書淑氣祥風旁敷遠暢曩
時所稱瘴鄉漏天今皆疹癘潛消雨暘時若考
諸三五六經載籍之傳正所謂天地順而四時
當民有德而五穀昌者作天文志首記星野其
氣候祥異悉附焉

貴州通志卷一


天文

星野


貴陽安順南籠都勻平越大定遵義參井分野之圖

參七星十度五十分位次申以背作藥七星皆明
天下兵精

星經曰七箇參星三伐橫玉井軍井參左臨天廁
四星下一矢井下直樹二屏星




井八星三十一度位次未行列河中天井正明天
下太平
星經曰井八星井宿之上五侯橫北河三星西積
形井傍一鉞四水位水府之上三天罇軍市園
中一野鷄丈人子孫各二星四瀆南河中闕邱
弧弓九星矢一星闕邱之下狼星一孫傍一箇
老人星




鎮遠思州石阡思南銅仁黎平翼軫分野之圖

翼二十二星十九度四十一分位次已近太微垣
翼明禮樂興四夷賓服
星經曰二十二翼如飛勢上五下五中元氣天子
樂府主聲名東甌五黑翼下是



軫四星十八度位同翼明則天下昌四海昇平
經曰軫宿四星中長沙左轄右轄分上下軍旁
三十二器府土司空對青邱界



星經曰熒惑主霍山揚州荊州太白金華陰山涼
州雍州益州

又曰熒惑主輿鬼柳七星張翼軫鎮星主東井太
白金奎婁胃昂畢觜參

又曰玉衡第二星主益州常以五亥日候之乙亥
為漢中丁亥為永昌巳亥為巴郡蜀郡牂牁辛亥
為廣漢癸亥為犍為凡七郡第四星主荊州常以
五卯日候之乙卯為南陽巳卯為零陵辛卯為桂

陽癸邠為長沙丁邠為武陵凡五郡

廣雅曰梁州之西屬北斗開陽一星

又曰西番吐番吐谷渾及西南徼外夷人皆占狼星

一統志曰宣慰司參井分野普安州井鬼分野銅仁府星分野黎平府翼軫之餘

謝東山志曰宣慰司今貴陽府貴州衛前衛今貴州龍里

新添今貴定縣平越清平興隆今黃平州威清今清鎮縣平壩今安

平

普定安莊

今鎮寧州

安南普安畢節烏撒

今威寧州

赤水

等十六衛俱參井都勻府程番府

今定番州

永寧鎮寧

安順普安四州俱參井之餘思州思南鎮遠石阡

銅仁黎平六府俱翼軫之餘

沈思克通志曰貴陽都勻石阡思南四府宣慰司

定番安順鎮寧永寧普安五州貴前威清平壩普

定安莊安南普安畢節烏撒赤水龍里新添平越

清平興隆都勻一十七衛普市黃平二所俱井鬼

分鎮遠銅仁思州黎平四府俱柳星之餘

郭子章黔記曰黔地連楚蜀總之不出鶉首鶉火
鶉尾之次又曰星經載熒惑主荊州主輿鬼柳張
黔實近荊州屬鬼柳似近之

衛旣齊志曰黔古無分野之說一統志以宣慰司
普安州為參井銅仁為星黎平為翼軫沈志則以
貴陽等處為井鬼而以銅鎮思黎為柳分郭記又
以屬鬼近似今按漢武所設之益州乃越雋犍為

牂牁三郡越雋屬滇犍為屬蜀牂牁所轄二十四
邑貴陽以上皆其地也陳卓謂牂牁入參五度而
班固謂東井輿鬼秦之分野西南牂牁越雋二州
皆宜屬焉則自平越以上皆為參井無疑矣獨是
思銅四郡為柳分似難為據按唐志云翼軫鶉尾
自房陵白帝而東盡漢之南郡江夏東達廬江南
郡濱彭蠡之西長沙武陵桂陽零陵又逾南紀盡
鬱林合浦之地自沅湘上流西達黔安之左皆全

楚之分黔安即今之思南則銅鎮四郡自應與楚同占軫翼而不入柳分也或曰牂牁既屬益州近梁州今舍觜鬼而從參井何也曰此非臆說也牂牁占參而不占觜陳說已明至益州兼井而不兼鬼則李淳風所云自畢十二度至井十五度屬益州之言可驗也度之多者無如井少者無如觜是以井兼雍梁益三州亦猶斗牛兼吳越豫章也萬曆庚子狼星入於東井占者以為滅播之象既而

果應此非占在參井之一證耶或曰翼軫隔柳星
張三位踰此及彼何名分野曰亦非臆說也僧一
行曰懸象在天其本在地星之與土以精氣相屬
而不係於方隅袁坤儀有言躔次相配者少相反
者多青正東玄枵在北雍正西鶉首在南則四郡
之踰柳星張而躔翼軫何以異此三人占則從二
人之言寧從其衆者而已故輒以管見謂黔為參
井翼軫分野貴陽安順都勻平越威寧參井之餘

鎮遠石阡思南思州銅仁黎平翼軫之餘

四宿占驗

參宿十星一曰參伐一曰大辰一曰天市一曰鈇鉞主斬刈又為天獄主殺伐又主權衡所以平理也又主邊城為九譯參白獸之體其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍故黃帝占參應七將中央三小星曰伐天之都尉也

主胡鮮卑戎狄之國凡十度右足入畢十三度去
極九十四度 觜觿三星為三軍之候行軍之藏
府主葆旅收歛萬物明則軍儲盈 參旗九星在
參西一曰天旗一曰天弓主司弓弩之張 玉井
四星在參左足下主水漿以給厨 西南九星曰
九斿天子之旗也 玉井東南四星曰軍井行軍
井也軍井未達將不言渴名取此也 屏二星在
玉井南為屏風天厠四星在屏東溷也 天矢一

星在厠南色黃則吉 軍市十三星在參東南天
軍貿易之市使有無通也 野鷄一星主變怪在
軍市中市西南二星曰丈人 丈人東二星曰子
子東二星曰孫

東井八星天之南門黃道所經天之亭候主水衡
事法令所取平也王者用法平則井星明而端列
凡三十三度去極六十九度 鉞一星附井之前
月宿井有風雨 狼一星在東井東南狼為野將

主侵畧色有常不欲變動也 弧九星在狼東南

天弓也主備盜賊常向於狼 老人一星在弧南

一曰南極常以秋分之旦見於丙春分之夕沒於

丁見則化平主壽昌 南河北河各三星夾東井

一曰天高天之闕門主關梁 南河一曰南戍一

曰南宮一曰陽門一曰越門一曰權星主火 北

河一曰北戍一曰北宮一曰陰門一曰胡門一曰

衡星主水兩河戍間日月五星之常道也 南河

南二星曰闕丘主宮門外象魏也 五諸侯五星

在東井北主刺舉戒不虞又曰理陰陽察得失一

曰主帝心一曰帝師二曰帝友三曰三公四曰博

士五曰太史此五者常為帝定疑議星明大潤澤

則天下大治 五諸侯南三星曰天鐫主盛饘粥

以給酒食之正也 東一星曰積水主候水災

積薪一星在積水東供給庖廚之正也 水位四

星在東井東主水衡 東井西南四星曰水府主

水之官也東井南垣之東四星曰四瀆江淮河濟之精也

翼宿二十二星天之樂府主俳倡戲樂又主夷狄遠客負海之賓星明大禮樂興四國賓凡十八度距中行西第二星去極百四度東甌五星在翼南蠻夷星也

軫宿四星主冢宰輔臣主車騎主載任有軍出入皆占於軫又主風軫星明則車駕備凡十八度去

極一百度 轄二星傳軫上下兩傍主王侯左轄
為王者同姓右轄為異姓 長沙一星在軫宿中
主壽命明則主壽長子孫昌 青丘七星在軫東
南蠻夷之國號也 軍門二星在青丘西一曰土
司空北天子六宮之門主營候豹尾威旗 器府
三十二星在軫宿南樂器之府也明則八音和君
臣平 土司空四星在青丘西主界域亦曰司徒
均明則天下豐

以上諸星占驗出隋天文志

按周禮保章氏以星土辨九州尚已自班固取三
統歷十二次配十二野嗣後史家言星野者愈悉
魏太史陳卓更著郡國所入宿度唐李淳風撰晉
史又著州郡躔次似踵以詳明而後人猶譏其謬
亂蔽於天而不知地天官家聚訟久矣陸績渾象
測天東西徑三十五萬七千里直徑亦然張衡靈
憲謂八極之維二億三萬二千三百里南北則短

減千里東西則增廣千里考古今歷家亦俱云天
包乎地地小於天而在天之宿度徃徃久而差忒
將焉準之惟我

朝時憲新法細密精詳利瑪竇曰七政本天所麗各
有異動然其本天之中心不與地之中心同也故
其行轉於地之面一周自非可謂平行也則每日
不能無差矣又曰天之黃道心與地球心一也則
其行於地面一周恒為平行矣故七政之天雖不

平行轉於地體之面然於其本天之中心平行轉
也是蓋可以積分而推也黔之疆域在天地三分
之二內舊之志星野者緣昔分隸荆梁以屬荆者
占翼軫屬梁者占參井未必非是但論四宿之度
數既不得謂黔之已處其餘而稽各府之疆域又
不可謂宿之渾列其內用是上推宿度下計方隅
畫而著之於右

氣候

黔地竄而土瘠氣沴而候愆不可以中州之氣
候例也嵐氣上蒸膚寸之雲即能致雨故有漏
天之號焉山高箐深虧蔽日月一日之間而寒
暖乍異百里之內而涼燠攸分田功三月始犂
四月播種五月插禾九十月納稼東作稍遲則禾
苗不茂夏初無雨則收斂必歉入秋遇有大風
則秀不實謂之青空農民歲入除正供之外恒
不敷食所賴山坡曠土雜種燕麥收麥水稗旱

稗之屬以佐饗飧故民鮮隔歲之蓄其亦氣候使然歟

貴陽北近蜀南近粵冬不祁寒夏無盛暑四時多雨少晴雨則寒晴則暖夏則晝熱夜涼田功之興遲於中土至華之開菓之熟百蔬之成則比中土差早

安順東接貴陽氣候畧同無嚴寒酷暑樹藝之期亦復相近

平越四面皆距本省地界氣候無異其耕種收穫
先後亦不大殊

都勻東南近粵嵐瘴差甚夏秋間商旅疑畏不行
霜降後乃無患今亦不甚忌其耕穫則比他郡較
早

鎮遠思州銅仁黎平俱近楚寒亦祁寒暑亦酷暑
與中州同

大定三面距蜀一面接滇山高氣寒霧霧朦朧

四時皆然五六月無酷暑菁林樹木經冬不凋
土寒地瘠畢節以西種惟宜苽而稻穀則鮮登
焉

南籠南近於粵西近於滇氣候熱多而寒少每
當春夏之交陰雨初霽嵐氣薰蒸人中其氣如
得瘧疾有頭疼胸懣脾瀉諸症其樹藝則與安
順同

石阡思南遵義俱近蜀氣候平和寒燠不爽雨暘

恒調水經注謂牂牁夜郎之間山無瘴毒即此等處也

祥異

漢

靈帝熹平三年牂牁饑斗粟千錢

宋

太祖乾德二年播州田禾一莖兩穗

元

成宗大德八年夏六月烏撒等路饑疫並賑恤之
武宗至大元年夏六月烏撒烏蒙三日內地大震
者六

仁宗延祐元年夏五月思州饑發廩減價糶賑之
泰定帝泰定元年春鎮遠饑 四年夏四月烏撒
饑賑糧鈔有差

文宗至順二年秋九月思州鎮遠饑賑之

順帝至正二十二年播州田鼠食禾盡自赴水死

明

洪武元年普定水鬪 十一年播州蝗 二十四
年鳳凰見於天柱山從鳥數萬移日乃去

永樂十三年婺川山中連呼萬歲者三布政使司
蔣廷瓚以聞

正統九年夏六月苗民饑發粟賑之 十四年夏
清平衛饑

景泰二年夏大饑

成化三年播州大旱 十年普定火 二十三年
巡按署瓜並蒂有司以聞

弘治元年播州大旱 六年清平大水 七年清
平疫都勻鳳凰山崩 八年冬十一月地震 九
年夏五月大水 十七年夏四月省城大雨雹都
勻大疫

正德五年清平大有年 六年秋九月都勻地震
七年思州火 九年都勻蝗 十年都勻饑 十

二年清平饑 十三年夏省城大水霽虹橋圯
十六年夏思州天鼓鳴

嘉靖元年清平大有年都勻火 三年思南水德
司江澍巨石自轉 四年有虎至思南府署吼而
出不知所之 六年都勻興隆饑 七年播州大
旱思南南平倉火延燒民居 八年永寧播州大
疫都勻大水淹城郭思南枯池出火十日後經雨
乃滅冬疫 十年冬十一月晦普定地震 十二

年春三月安南衛生兩頭男 十三年興隆大水
山崩 十四年秋七月思南大雨雹 九月思南
九門灘枯杉仆地經年自起復生 十五年春二
月思南地震 三月天柱火播州地震有聲 秋
七月思南地震聲如雷 十六年秋八月省城龍
見十八年夏五月思州大水西溪二龍鬪清平隕
霜殺稼 十九年石阡旱清平興隆饑 二十年
石阡旱 二十一年天柱地震 二十三年興隆

地震 二十五年清平興隆疫秋七月黎平野犬

緣城夜吠 二十六年播州大旱秋八月隕霜殺

稼 二十七年普定旱大饑斗米銀四錢 二十

八年春清平芝生秋旱蝗詔免秋糧 三十年夏

思州饑 三十二年大有年 三十六年普定衛

署樹化爲石 三十九年冬十月大霜凝結如花

草 四十年春旱三月不雨三月朔威清地震

四十三年都勻地震 四十四年秋七月都勻復

地震播州大雹雪傷稼

隆慶元年秋七月黃平大雹傷稼 二年春二月

普定火五日焚民居五千餘戶死者六十餘人

四年春二月夕興隆星隕聲如雷六月蚩尤旗見

於天柱 五年興隆恒雨饑 六年夏六月省城

雨桂子秋八月天柱螟

萬歷元年夏五月興隆大雨雹天柱螟 二年秋

八月思南火焚民居二百餘戶 五年威清虎入

城害三百餘人 六年播州大疫 七年婺川大

水秋九月興隆黃平地震 八年秋八月黃平慶

雲見 九年黎平有雀三足猫生子一身二頭

十年夏五月普定大水 六月銅仁有鳥鳴文廟

聲如雷興隆大有年 十二年夏五月都勻大水

秋九月威清大雨雹傷稼 十五年夏六月思南

水溢漂沒民居甚夥次年水亦如之 十七年春

播州大疫秋有年 十九年春三月黎平大雷雨

蛟出府治儀門夏五月石阡龍見 二十年春三
月大風電 二十一年春二月朔省城大風電永
寧旱畢節虎入東關民家傷六七人乃就斃 二
十二年興隆大饑 二十四年夏五月安順州大
水 二十六年興隆虎食百餘人 二十七年平
壩等衛晝晦如夜大雷電雨電如斗天柱縣署產
紫芝 二十八年秋七月巡撫署東園芝生 二
十九年夏四月不雨五月大饑斗米四錢雨桂子

於貴陽六月定番地震秋七月大疫八月撫按兩
署東園芝並生冬十月指揮馮國恩妻一產三男
三十年夏六月赤虹垂於貴陽城北民家畢節大
水漂民舍 三十二年大有年夏五月綏陽大水
冬十月綏陽火城中民居幾盡 三十三年夏四
月省城雨桂子 三十四年夏五月赤水永寧水
漂民居三百餘戶思南沿河司麥一莖兩穗 三
十六年春三月思州民易繡虎妻一產三男 四

十年春正月遵義火延燒數日 四十三年都勻地震四十五年春三月安莊衛白蜚羣飛蔽天自西南向東北積地數尺越三日火闔城俱燼天柱大旱 四十六年貴陽大疫遵義地震有聲自西而南 四十七年春三月虫尤見於遵義西方經月乃滅

泰昌元年都勻饑

天啟元年秋八月白虹見長竟天畢節地震 二

年春三月省城龍井涸大雨雪 五年遵義大旱

七年夏五月天柱晝晦

崇禎三年思南火燬民居三百餘死者二十餘人

四年天柱大水秋七月地震 五年天柱天鼓鳴

地震有聲 六年秋八月湄潭蝦蟆數萬匝城外

一日夜忽散 十年開州北極觀柱上木龍挾殿

內鐘與井龍鬪山麓震撼 十一年夏五月貴陽

大水漂沒廬舍溺死八十餘人 十二年夏四月

豹入省城獲之隨大風拔木屋瓦皆飛 十三年
思南地震遵義大旱 十四年夏六月都勻燕數
萬集府署 十五年天柱地裂 十六年畢節大
雨雹鳥獸擊死者無算天柱大旱 十七年夏四
月餘慶嚴家屯栗樹仆數日夜忽自起枝葉復生
城外崖石開紅花大如盆

國朝

順治三年甕安縣李樹結實俱成扁豆 四年秋

七月思南梅盛開成實 五年思南大饑食木葉
草根盡次年復大饑斗粟三兩遵義荒疫大饑斗
粟四兩 十四年畢節雙井出紅水龍潭出黑水
十七年旱大饑巡撫卹三元請動楚運米三千石
賑之 十八年夏恒雨南籠旱思南雨雹大風偃
木屋瓦亂飛

康熙元年遵義大有年 二年安籠黃平甕安餘
慶大水餘慶村民家牛生犢四耳四目八足二尾

三年畢節馬生駒五足天柱牛生犢二首八足二
尾 四年夏六月銅仁火公署城樓營房民居盡
燬 五年畢節大水湧入東門 六年秋七月思
南白氣自東北飛墮聲如雷 八年重安江大風
雨雹壞民居 九年天柱地裂 十一年春三月
鎮遠火三日燬民居殆盡發金賑之夏五月安籠
所民鄧鳳鳴妻一產三男畢節白蛾蔽天 十二
年餘慶石花開 十四年春三月遵義火闔城盡

燬惟存道府縣署旬餘復火城外民居俱燼 十

五年夏五月晝晦如夜 十六年畢節女化為男

十八年夏四月貴陽大雨雹損廬舍 十九年春

正月思南晝晦雨下如墨汁冬十一月蚩尤旗見

自西北竟東南月餘乃滅 二十年秋九月貴陽

地震 二十二年夏四月貴陽大風雹拔木傾舍

二十三年夏五月遵義大水後復大旱饑 二十

五年遵義大有年 二十六年畢節白蛾漫天有

大鳥啄食之 二十七年夏五月蛟起黃平舊州
都挖山水衝溢偏橋鎮遠而下漂沒廬舍 二十
八年春三月甕安高車村巨石自轉 二十九年
夏五月貴陽水溢衢市舟行秋七月七日婺川九
條溪陸地生蓮花大於筐又生樹杪大亦如之思
南長溪民家牛生犢兩首四尾八足 三十二年
秋七月七日安平隕霜露雨連月殺稼 三十三
年春二月畢節西門龍見 三十七年春二月遵

義火城內民居半燬 四十七年夏五月畢節大

水湮沒民居 五十年春二月都勻城北河岸巨

石如屋逆水自移 五十四年夏六月雷擊畢節

東崗文峯塔 五十六年十二月安化縣火

雍正元年大有年 四年平遠州麥秀兩岐 五

年夏五月思南大水 七年秋思州府及古州之

梅岑梅得諸處有五色慶雲自七月初八日至閏

七月十一日凡七現大有年黔省各屬及新闢苗

疆所產稻穀粟米之屬自一莖兩穗至十五六穗
不等稻穀每穗四五百粒至七百粒粟米每穗長
至尺有奇都勻府石產靈芝普安州稻穀生孫

九年貴陽府民間瓜菓一蒂雙實 十年歲大豐
十一年貴筑縣民家牛生犢五足 十二年大有
年廣順州瓜茄一蒂雙實

貴州通志卷一

欽定四庫全書

史部
貴州通志卷二

詳校官監察御史_臣徐如澍

刑部郎中_臣許兆椿覆勘

總校官編修_臣倉聖脉

校對官中書_臣牛稔文

謄錄監生_臣劉雲

欽定四庫全書

貴州通志卷二

地理志序

輿圖

建置

疆域

形勢

山川

關梁

郵傳

風俗

苗蠻

古蹟

邱墓

貴州古三苗之域明始建都指揮司後改布政
司治東西千里南北三百餘里於十五國中壤
地最狹山川形勝則復巔密箐迅流急湍非有
平原廣澤之沃衍也風俗皆苗蠻雜處椎結侏

離未盡漸被華風也我

國家改易衛所俱置州縣又開自古不臣之古州清江
諸處益以湖南四川廣西附近壤錯之府州縣
幅帙益為式廓我

皇上仁覆萬國無有遠邇以貴州之荒遠僻陋而山川風
物遂與中土不殊然則文德誕敷有苗來格典
謨所傳於今為烈矣述地理志

貴州通志卷二

地理

輿圖

貴州省全圖

北至四川
重慶界

烏江口

東北至原州
府界五百二十
里

北水通湖南
龍山縣

北水通府陽縣

東至湖南原州府
界五百四十里


北水通湖南
南靖州

北水通黔
陽縣

北水通廣西

東南至廣西
隆州界三百五十
里

南至廣
西丹
州界二
百二十
里



五百五十里

西北至雲南
東川府界五
百六十里

西至雲南曲靖府
界五百五十里

貴州通志



二

貴州全省 圖說

貴州雖僻在西南一隅然東楚西滇南粵北蜀不
與外夷接壤固居然腹裏之地也特以山箐阻深
苗蠻雜處前代皆羈縻勿絕至明始置郡縣東西
千里南北三百餘里形如蜂腰上下廣而中狹近
益以蜀之遵義粵之永豐荔波又開設長寨南北
之境幾與東西埒且古州八寨古昔化外之生苗
今皆設官置鎮黔之四封屹然有截矣其山來自

雲南宣威州之倘塘驛入大定之威寧州折而東
南經水城以至安順盤江界其西烏江界其北南
籠一府在盤江之西遵義一府在烏江之北大定
則烏江諸水源沿其間此上游形勢之大較也自
安順折而南由安順土州以至定番分南北兩枝
其南枝由都勻八寨古州至黎平以入於楚粵閩
越所謂南幹也其北枝則自清鎮安平至貴筑之
老鴉關折而南結為省治南明河界其東南陸廣

麻線諸河界其西北皆入於烏江者也都勻一府處南幹之脊都江發源於右經古州以入粵清江發源於左經台拱以入楚黎平夾兩江之間受都勻之委輸焉鎮遠思州在清江之北中有潯溪水貫之亦謂之鎮陽江源自舊黃平經青溪玉屏以東之沅水者也平越石阡在烏江之南而平越之湄潭石阡之龍泉及思南一府又在烏江之北其山脉來自遵義其水則北界以赤水三江者也銅

仁一府在省治之極東大小江諸水皆滙於楚之
麻陽此下游形勢之大較也總十三郡計之大約
山勢峭削少平原廣野之觀水流急湍無舟楫灌
注之利師旅官吏之經費多仰給於鄰境然大定
南籠扼雲南之咽喉銅仁思州踞湖南之腰膂思
南遵義為四川之輔車都勻黎平處粵西之肘腋
少有不靖不免有震鄰之虞則物力雖瘠薄而形
勢固居要害矣我

國家德威遐暢川嶽效靈四夷賓服惟黔中頑苗螳
臂蜂蟄時或竊發然大兵所臨不旋踵皆禽獮草
薶貳而討之服而懷柔之因地以制宜擇人以任
事使馴擾移易同於內地豈非守土者之責哉



貴陽府圖


東北至遵義
縣界二百一
十里

東至都勻府
麻哈州界一
百二十里

東南至麻哈州
界一百二十里

北至遵義府遵

南至南
籠府永
豐州界



貴陽府圖說

自有明隆慶時易程番府為貴陽遂為省會之首
郡南南籠西安順北遵義東連平越都勻地處十
三郡之中而貴山北峙南明東環靈秀亦甲於諸
郡所轄三州四縣附郭曰貴筑西南百一十里州
曰廣順其鎮山曰白雲其水曰麻綿入於烏江者
也南一百里州曰定番南幹與省治之脉自此而
分大幹迤而東南省脉迤而東北州有泉曰蒙潭

濛江之源出焉或謂之牂柯江入於粵西者也東
北百二十里曰開州有山曰南望千峰萬壑蒼翠
接天洗泥河之水經焉北五十里曰修文昔安氏
水外六目之地也水西以居陸廣鴨池河西者為
內地地在河東故名水外云東五十里曰龍里百
一十里曰貴定甕城河界其間北流入於巖門郡
治之下游也近者平定仲苗設同知於長寨在府
東南百七十里形勢稱完固焉


安順府圖

東北至大定府
縣西州界四百
里

東至貴陽府
貴筑縣界一
百四十里

東南至貴陽府
廣順州與永豐
州界四百里

北至大定
府平遠州



南至南籠
府永豐州
界一百里

安順府圖說

安順盤古州地踞省城之上游作滇南之門戶自
割一州二縣以隸南籠東西尚三百餘里南北二
百里盤江之水界其西三岔河之水界其北遂為
黔中之奧區焉領二州三縣附郭縣曰普定居幹
脉之脊有山曰新坡高廣數里為府治形勝西五
十里為鎮寧州有山曰東坡輪囷盤鬱高三十里
州之鎮山也西百四十里為永寧州白河之水從

高而落瀑布飛流轟雷捲雪極天下之奇觀東六
十里曰安平百二十里曰清鎮滴澄河之水介其
間自郡城而東地勢漸平每每原田流泉灌注自
郡城而西地益高山益峻重巖複嶺行者苦焉近
者設同知於郎岱郵傳出其途不須迴九折之車
矣舊有康佐土司地在府南百六十里山箐阻深
苗仲雜處今者復設通判治之標嘉名曰歸化伏
莽升陵庸足慮乎


平越府圖

東北至遵義府
遵義縣界二百
五十里

東至鎮遠府
施秉縣界一
百五十里

東南至都勻府
清平縣界六十
里

北至思南府
婺川縣界三



平越府圖說

平越古播州地清水江界其西重安江環其南巖
門江貫其中境內諸水多匯焉以達於烏江作省
會之藩籬據楚蜀之要害所轄一州四縣附郭曰
平越黎峨嶠峻七盤縈紆高峙城東險於蜀道魚
梁一江兩岸壁立飛湍瀑流今則石梁砥平長虹
卧波皇華四牡所取道也東百二十里為黃平州
昔為興隆衛舊州治在其北潯溪之源出焉州東

有飛雲巖玲瓏詭異為黔中第一奇境東百四十里為餘慶縣白泥江環其東小烏江環其西俱會巖門江者也北五十里為甕安縣玉華之峰上插雲霄黃金之塗路通一線可稱邑中名勝北二十里曰湄潭縣城南之水環曲如眉故以名邑去郡治最遠孤懸巖門江外者也

都勻府圖


東北至都勻府麻哈州界九十里

北至平越府平越縣界一百里

東至黎平府古州界二百里

東南至古州界二百五十里

南至廣西南丹州界




西北至平越
府界百七
十里

西至貴陽府
貴定縣界一
百二十里

西南至定
番州界一
百八十里

三百五十
里



都勻府圖說

都勻居省治之東南接粵西北與平越之地犬牙
相入領二州三縣附郭曰都勻西有凱口固最為
險要近則龍山蜿蜒長河如帶張鶴樓之遺跡猶
有存焉北五十里州曰麻哈貴人南蟠玉屏西峙
為州治壯觀南北二十里州曰獨山有山焉羣嶂
相聯一峰獨峙州因以名都江東逝經古州以入
慶遠深河南流由定番以過泗城皆入於粵西者

也北百一十里縣曰清平有香鑪峰形如博山四面陡絕明時屢為諸苗巢穴而凱里一司尤為生苗出入之咽喉防守最湏嚴密近又以粵西之荔波來屬去郡治二百餘里而南蔽之藩籬始固總之貴州環處皆苗歷來剽掠最甚者無如勻哈近者開八寨關都江丹江設官以鎮撫之庶幾阻深闇昧咸耀光明矣


鎮遠府圖

東北至恩州
府界四十里

東至恩州府
青溪縣界三十里

東南至靖州
界二百六十里

北至石
門府界



南至黎
平府界


八十里

西北至石阡
府界八十里

西至平越府
黄平州界九
十五里

西南至平越
府黄平州界
七十里

一百二
十五里



鎮遠府圖說

鎮遠為黔省之門戶潯溪一水下達沅湘檣帆輻輳雖地勢險隘不能建甃垣墉然據石屏山以為城帶鎮陽江以為池居然楚國之方城漢水也馬場鼓樓兩坡為諸苗出入必由之徑一泥丸可封昔人戍守之遺跡猶存也附郭自鎮遠而外所轄止施秉一縣幅輳稍隘往者九股生苗剽掠舊縣因遷治於偏橋以避之自台拱清江設官置鎮翻

狡兔之窟作飲馬之川封畛所屆懋遷化居雄於
諸郡近又以湖南之天柱來屬茨嶺鐵坪東西環
峙郡治東南益壯屏蔽焉


思南府圖

東北至四川
平茶司界
三百七十里

東至銅仁府
界一百里

東南至銅仁府
界一百八十里

北至四川彭水
縣界五百里




南至石阡府
界六十里

西北至鎮遠縣
界二百一十五里

西至遵義府
界三百里

西南至鎮遠府
界五十五里



思南府圖說

思南古婺川地東西廣四百里南北袤五百六十
里幅幘最為廣濶德江一水旋繞三面東有萬勝
山壁立千仞龍洞仙臺頗著靈異石峽芙蓉諸關
雄峙東西形勢險固縣曰安化其附郭者也西四
百里為婺川縣華蓋之山巖壑深邃前代倚為避
世之桃源豐樂之水滙泉流而注烏江九杆一關
據播州之要害前明平楊應龍時所爭戰處也南

四十里曰印江縣嵒嶺東亘思邛北流而湍瀨淺
狹亂石嶙峋四方舟楫罕至焉

石阡府圖


東北至思南府
印江縣界一百
七十里

東至銅仁府
界八十里

東南至思州
府界六十里

北至思南府

南至鎮遠府




界五十里

西北至涓潭
縣界十里

西至遵義府
界三百六十里

西南至餘慶
縣界六十里

界十五里



石阡府圖說

石阡南通鎮遠北距思南東抵銅仁西連遵義壤地在諸郡之中不與他省接南眺十萬山高爽寬平楊再興屯兵之故壘在焉新開一河自明時知府郭元賓疏鑿安流遂通舟楫之利率作興事豈不存乎其人哉郡所轄止龍泉一縣在郡西二百五十里境內諸山連岡疊嶂鷄翁北蟠義陽綏陽東西遙峙皆昔時故城廢縣之址古瓦頽垣深入

憑弔而烏江南繞青溪北環稱襟帶之險固矣


思州府圖

東北至銅仁府
界一百一十里

東至湖南沅
州界九十里

東南至沅
州界一百里


北至湖南麻陽
縣界一百五十里



西北至銅仁縣
界一百二十里

西至鎮遠府
界一百里

西南至鎮遠府
鎮遠縣界五十里



思州府圖說

思州東北界楚西南接鎮遠於十三郡中疆域最
為狹小近雖益以楚之玉屏青溪東西二百里南
北三百餘里然特就各土司村寨孤懸於境外者
極其所至而為言耳若辨方正位則南三十里即
與沅州界北四十里即與鎮遠界矣顧向時之黔
以鎮遠為門戶今二衛來屬則又當以思為門戶
矧郡治之海龍溪玉屏青溪之界牌龍塘諸隘為

紅黑諸苗出入之所必經扞蔽牧圉尤宜加意至
若盤山龍溪縈紆峭聳郡城之壯觀也山擁三台
巖開萬卷玉屏之勝概也青溪臨江為治地當孔
道邑小事繁然治內北障瑞雲崢嶸突兀雲氣時
往來其間風土瘠薄而形勝有餘矣


銅仁府圖

東北至湖南辰州
府界一百六十里

東至湖南沅
州界六十里

東南至思州府
界二十五里

北至四川彭水




縣界二百里

松桃城

平頭司

七十里



西北至安化
縣界七十里

西至思南府安化
縣界一百一十里

西南至思州府
界一百三十里


銅仁府圖說

銅仁居省治之東北隅西南與思南石阡接壤北
則蜀東則楚松桃一營綰楚蜀之樞俗名為三不
管之地實紅苗盤踞之區也其郡治則依翀鳳以
為城襟大江以為池天乙之山峙其左銅巖之水
繞其右舟楫西來沂沅水歷麻陽經郡治以達江
口商旅輻輳亦西南之都會也隸郡者僅附郭銅
仁一縣其境內名勝則泉名甘梗水源同出而清

濁異流峽號金刀一峰劃開千仞如削中分而巔
合皆錦州之奇觀也

縣界二百八十里

西北至鎮遠府屬
印水司界八十里



六十里

西至都勻府獨山
州界二百九十里

西南至都勻府荔
波縣界二百三十里

黎平府圖說

黎平在省會之東南向者新疆未闢孤懸清水江
外取道鎮遠天柱而後達黔中郡治去省之遠未
有如黎平者然其地居楚粵之交都江南繞由古
州以下粵清江北環由錦屏以歸楚古州湖耳等
十三司環處其間明時置五開衛屬楚與郡同治
軍民耦俱相猜致有五譁六譁之變則措置之未
盡善也

本朝以衛來屬改為附郭之開泰縣石門東障寶帶
南環南六十里曰永從縣唐之福祿州也有山曰
皮林高出羣峯頗標靈異明將鄧子龍之遺蹟在
焉東北百二十里曰錦屏昔楚之銅鼓衛也自屬
黔中改而為縣石榴梅花峯迴路轉巖壑隱秀西
北八十里曰古州蓋古州有裏外之分今之建城
置鎮者乃昔之裏古州歷代棄諸化外者也自茲
由都江八寨西接都勻以達於省會黔之疆域封

豕無驚版章式廓矣

大定府圖


東北至遵義
府遵義縣界
二百五十里

東至貴陽府
修文縣界二
百三十里

東南至遵義
府界一百里


北至四川永寧縣界二

南至安順府
鎮寧州界二



百五十里

西北至雲南
昭通府界五
百四十里



百六十里

西至雲南東
川府界五百
二十五里

西南至南龍府
普安州界三百
八十里

大定府圖說

大定本水西烏撒地可渡河界其西南三岔鴨池
諸河界其東南赤水河界其北大小天生橋落折
渭河諸水分流其中東西五百八十餘里南北六
百六十餘里山箐阻深巖洞幽邃幅輳之遼濶形
勢之險固黔中諸郡殆未有過之者自

本朝討定二安開設四府各置重鎮以控制之後改
黔西平遠為州隸大定府旋改大定為州隸威寧

府後以大定為府威寧為州所轄三州一縣西威
寧北畢節東黔西南平遠府居其中藩籬密而呼
應靈措置最為盡善府治為昔之大方城安氏之
巢穴也鳳山東翔五老西拱六歸南環氣勢雄偉
宜自漢至明時代滄桑而濟火之封相承不替也
黔西昔之水西平遠昔之比喇壩織金杓裏諸關
箐昔時羅鬼所負隅也威寧三面接壤滇南烏門
山徑崎嶇石龍蜿蜒起伏昔之烏撒府也畢節當

滇蜀之要衝七星關扼其西木稀關障其東舊畢
節赤水二衛也水城居郡治之西南漢夷雜處複
嶺廻溪築城設官以資彈壓誠桑土綢繆之至計
矣

南籠府圖


東北至永寧
州界六百里

北至安順府
永寧州界二
百八十里

東至廣西泗
城府界五百
里


東南至西隆
州界二百四
十里

南至廣西
西隆州界一
百二十五里



西至雲南羅
平州界二百
四十里

西南至羅平
州界二百四
十里



南籠府圖說

南籠西控滇南聯粵雖從安順分置然所轄二州
二縣東西廣七百餘里南北袤五百餘里固上游
重地也郡舊為南籠廳治綠海東瀦九峯西峙形
勢開敞雄於西南郡西州曰普安唐之盤州元之
普山府也西有香羅山即昔時之平夷縣治東有
格孤山即明傅友德平雲南自曲靖率師搗烏撒
之所取道也郡東北州曰永豐原割粵西西隆泗

城地所置畫紅江以為界粵南黔北若天限之者
北之縣曰安南有晴雲山崔巍峭拔境內諸山之
鼻祖也東北之縣曰普安鸚鵡山聳峭於西江西
坡綿亘於東往時驛道所經行者每以登陟為苦
近改出松巋沿途翠竹虬松引人入勝焉


遵義府圖

東北至四川
南川縣界五
百四十里

東至平越府
湄潭縣界一
百五十里

東南至思南
府婺川縣界
一百五十里


北至四川綦
江縣界二百



南至貴陽府
修文縣界一

四十里

百二十里



西北至四川
合江縣界五
百四十里

西至四川叙
永廳界六百
四十里

西南至大定
府黔西州界
一百五十里

遵義府圖說

遵義昔附川東距省千餘里僻在一隅無關扼塞
今者割入黔疆而北藩之形勢始壯其封域南鄰
貴陽東接思南西連大定北至重慶之綦江縣其
山自永寧之雪山關蜿蜒而來過仁懷之關門壘
轉折盤曲特起崇巒則郡城之鎮山碧雲峯也旋
而左者為遵邑之海龍壘居萬山之顛四面陡絕
昔播賊楊應龍倚為巢穴又左為桐梓之婁山關

旋而右者為綏陽之桑木關鎮安州之龍硿關皆
高出雲表一夫守之千人坐廢所謂天險殆不過
是水則烏江界其南迤而東北過思南入四川之
彭水縣其西則赤水河限之黔蜀畫疆以此為界
據山臨江廣袤二千餘里田賦關稅抵全黔之半
豈非雄郡哉

貴州通志卷二